



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Concilia provincialia celebranda sunt bis in anno. Discrimen inter Synodus Nicænam & Canones apostolicos. qui explicantur. Immutatus ordo vetus à Iustiniano.

urn:nbn:de:hbz:466:1-15617

Concil. Emenit.
ca. 5.
sione regia: *Tempore quo Concilium per Metropolitani voluntatem & regiam iussionem electum fuerit agere. Et in canone vii. Comprovinciales Episcopi, dum a suo Metropolitanu fuerint admoniti, presentes esse debent ad locum temporis debiti. Que res non extra regiam agitur voluntatem. Necessariam esse in Gallia Regis permissionem agnoscit etiam Concilium Meldense habitum anno DCCCXLV. Vt*

Concil. Med. c. 1. *Principes, juxta decreta Canonum, per singulas provincias saltem bis aut semel in anno a Metropolitanis & diaecesis Episcopis synodice conveniri concedant.*

VII. Quoad tempus autem celebratio-
nis Conciliorum; canon quintus Concilii Nicæni præcipit ut Concilia illa bis in anno habeantur. quod in canone quoque apostoli-
co xxxvii. statutum est, & in Antiocheno & Chalcedonensi Concilio. Discremen por-
rò reperitur quoad tempus celebrationis.
Quippe Nicæna Synodus primum conven-
tum in Quadragesima haberi præcipit, ante
Pascas; secundum verò, per Autumnum. At
canon apostolicus, quem sequitur Antioche-
nus, primum conventum agi jubet quarta
septimana Pentecostes, id est, quarta septi-
mana post festum Paschatis. Quippe quin-
quaginta dies qui intercedunt à die Paschatis
usque ad festum Pentecostes, quod quin-
quagenarium illum numerum claudit, com-
prehenduntur vocabulo Pentecostes in hoc
loco, quemadmodum & in Actis Apostolorum,
apud Tertullianum, & alibi. Primum
igitur conventum quarta septimana post fe-
stum Paschatis agi jubet canon apostolicus,
secundum verò mense Octobri. quod in ti-
tulo quoque septimo decretorum Leonis
primi Papæ statutum reperitur. Verum No-
vella Iustiniani celebrationem horum Con-
ciliorum semel tantum in anno fieri conces-
sit. quod etiam secuta est Synodus in Trullo,
& secunda Nicæna, utraque Græca.

VIII. Similibus mutationibus obnoxium
in Gallia fuit illud tempus. Synodus enim
Reiensis anno CDXXXIX. & Arausicana
biennio post habita statuerunt ut Concilia
illa bis in anno celebrarentur. Sed synodus se-
cunda Aurelianensis eas semel in anno fieri
decernit: *Vt Metropolitani singulis annis com-
provinciales suos ad Concilium evocent.* Neque
verò existimandum est Gallos hujus insti-
tutionis formam mutuatos esse ex Iustiniano.
Nam præterquam quod imperio ejus
subjecti non erant, observandum est Concilium
illud fuisse habitum anno quingentesimo
trigesimo tertio, cum Novella Iustiniani,
quarum auctoritate hæc canonum mo-
dificatio introducta est, anno tantum quin-
gentesimo quadragesimo primo edita fue-

Tom. II.

rint. In ea ergo sum sententia ut existimem
utroque formam hujus institutionis sump-
fuisse ex canonibus Africanis, qui semel in
anno statuunt celebranda esse Concilia ge-
neralia Africae. de quibus agam suo loco.
Concilium Toleranum 111. habitum anno
DLXXXIX. hanc temporis præscriptionem fe-
cetum est cum quadam prudentia. Decrevit
namque ut auctoritas antiquorum canonum,
quaे bis in anno præcipit Concilia congre-
gari, inviolata permaneat. Et tamen habi-
ta ratione longitudinis itinerum & pauper-
tatis Ecclesiæ Hispaniæ, edicit ut semel in
anno Episcopi convenienter ad locum quem
Metropolitanus elegerit: *Vt stante priorum* Concli. Tolet. 3.
auctoritate canonum, que bis in anno præcipit
*congregari Concilia, consulta itineris longitudi-
ne & paupertate Ecclesiæ Hispaniæ, semel in*
anno, in locum quem Metropolitanus elegerit,
Episcopi congregetur. Idipsum confirmavit Gregor. lib. 7.
sanctus Gregorius ad Episcopos Galliarum ep. 110.
scribens: Et quidem quid de habendo bis in an-
no Concilio patrum fit regulis, statutum non latet.
Sed ne foris aliqua impleri hoc necessitas non
permittat, semel tamen in anno sine excusatione
aliqua decernimus congregari; ut expectatione
*Concilij nihil pravum, nihil presumatur illici-
tum. Nam plerunque, est non amore justitiae,*
metu tamen examinis, abstinetur ab hoc quod
omnium notum est posse dissplicere judicio.

IX. Antiquum jus restitutum est in Ca-
pitularibus: in quibus decretum est, juxta
canones Antiochia & Chalcedonis, qui illic
laudantur, ut Concilia provincialia bis in
anno teneantur. Et quia tumultus in regno
suborti eorum usum interrupserant, Conci-
lium Parisiense habitum anno DCCCXXIX.
differuit apud Imperatorem hinc oriri gra-
uem contemptum auctoritatis episcopalis,
quoniam Clerici, qui obedire solebant or-
dinarii correctionibus Episcoporum suo-
rum, aures Imperatoris importunè pulsab-
ant. Ludovicum autem Pium orant patres
ut eis libertatem concedar bis in anno coéun-
di, juxta canones, aut saltem semel, ut jus
suum cuique tribuere possint. *Ob id ecclesia-* Capitul. lib. 24.
flice utilitati, inquit, magnum dispendium,
& principalibus auribus insolens impedimentum,
& multorum impunitas nascitur flagitorum. In-
frā: Si hec semel in anno per unamquamque
provinciam celebrata fuerint, & honor ecclesias-
cicis vires ordinis sui obtinebit, & impudentia
quorundam superborum Clericorum, que passim
auctoritate canonica calcata auribus imperiali-
bus molestiam ingerit, cessabit. Tum etiam
Presbyteros, Diaconos, eosque qui se læ-
*sos existimant, ad Concilium accedere vo-
lunt: Vt in ipsis Conciliis adhuc Presbyteri, &*
Diaconi, & omnes qui se laesos existimant, &

Ff